

Dr Mahathir Kunjungi Presiden Vietnam Truong Tan Sang
Bernama
30 September , 2011

KUALA LUMPUR, 30 Sept (Bernama) -- Bekas Perdana Menteri Tun Dr Mahathir Mohamad Jumaat melakukan kunjungan hormat ke atas Presiden Vietnam Truong Tan Sang dan isteri, Mai Thi Hanh yang sedang dalam lawatan rasmi ke negara ini.

Turut hadir pada perjumpaan kira-kira 30 minit itu ialah Timbalan Perdana Menteri Vietnam Nyugen Thien Nahn dan Menteri Pengangkutan Datuk Seri Kong Cho Ha, yang merupakan menteri pengiring Sang.

Sang, yang dilantik sebagai Presiden Vietnam pada Julai lepas, tiba di Kuala Lumpur Rabu lepas untuk melakukan lawatan tiga hari sebagai membalas kunjungan negara oleh Yang di-Pertuan Agong Tuanku Mizan Zainal Abidin dan Raja Permaisuri Agong Tuanku Nur Zahirah pada Mac 2009.

Beliau pulang ke negaranya tengah hari ini dari Lapangan Terbang Antarabangsa Kuala Lumpur di Sepang.

---BERNAMA

Hakcipta © 2011 BERNAMA

Source: <http://www.bernama.com/bernama/v5/bm/newsindex.php?id=616844>